

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Meditationum evangelicarum pars tertia, hoc est:  
Tractatio evangeliorum tam dominicalium, quam  
festivalium, ad recte se sub variis tentationum generibus  
gerendum, disposita**

**Creide, Hartmann**

**Francofurti ad Moenum, 1682**

Secundo

[urn:nbn:de:bsz:31-126133](#)

2. **Structura.** Incitatus enim est ad hoc facinus à Diabolo, qui eum obledit, non corporaliter, ut murum & lurdum, Luc. 11. vers. 14. sed ob pertinaciam, quia magis Diabolo, quam Christi admonitione loquum reliquit, sicut adhuc hodie omnia peccata à Diabolo originem trahunt, & qui peccatum facit, ex Diabolo est, 1. Joh. 3. vers. 8.

3. **Cura, nam**

1. **Pontifices compellat.** Ubi enim Dominus opinionem ejus non approbat, sed potius improbat, ira incitatus, tacite Bethania Hierosolymam se confert adsummos Pontifices, quibus propositum de Domino illis tradendo, explicat. O Satanam malitiam!

Quot eorum adhuc hodie occurunt, qui cum hostibus veritatis colludunt? Verum, qui non est tecum, contra me est, ait Servator, Luc. 11. v. 23.

2. **Mercedem postulat.** Quid inquit, vultis mihi dare, & ego vobis eum tradam? Hic quanta vis avaritiae sit, perspicimus. Radix enim omnium malorum est, 1. Tim. 6. vers. 10.

3. **Triginta scelos acceptas.** Nostro calculo forte decem Imperiales fuerunt, hos Judas acceptas, & prodit Christum.

Hinc appetat, quod mundus Christum ejusque Ministros in tenui pretio habeat. Verum quo viliores aestimantur in oculis hominum, eo majores putantur in oculis Dei, qui illos tetigerit, pupillam oculi ejus tangit, Zach. 2. v. 8. & Eccl. 21. 32.

4. **De Christo prodendo cogitat.** Servator Judam in Collegium Apostolicum assumerat & omni indigentia ita sustentaverat, ut ipse cum ceteris discipu-

lis, nihil sibi defuisse fateatur, Luc. 22. vers. 35.

Jam mercedem ipsi persolvit, dum ansam captat, ut eum prodat. Hæc fœda ingratitudo est, quam omnes pii Christiani cane & angue pejus fugere debent. Non enim bene erit, beneficia non compensanti, Sir. 12. v. 3.

## Secundo.

**S**equitur nunc altera pars, in qua considerabimus Agni Paschalis preparacionem. Ubi notandum

1. **Impulsus.** Hic spectabimus

1. **Apostolorum questionem.** Ubi vis, inquiunt, paremus tibi comedere Pascha? Recte faciunt hac in parte Apostoli, quod nihil contra voluntatem Domini aggreditur. Mundus est, cuius rectum est opus, Prov. 21. v. 8.

2. **Christi responsonem.** Misit enim Petrum & Johannem, cum hac instructio ne: Ite in civitatem ad quendam, & dicite ei, &c.

Monstrat hæc

1. **Locum passioni congruentem,** qui est Hierosolyma. Non enim capit, Prophetam petire extra Hierusalem, Luc. 13. vers. 33.

2. **Oculum Christi omnitem.** Bethania distabat ab Hierusalem quindecim stadia, quæ fere milliare dimidium faciunt, nihil minus videt hominem vas testaceum portantem: sicut & cœnaculum magnum stratum, & novit omnia, quæ sibi ibi ob ventura sint. In ipso enim omnes sapientia & scientia Thesauri absconditi sunt, Col. 2. v. 3.

## Dominica Invocavit.

140

Notetur hoc in debortationem. Servator vitrum cum vase aquæ testaceo eminus videt. Ita etiam te in evacuandis vini amphoris, ut & aliis delictis occupatum videt. Propterea caute agas. Die novissimo omne occultum in judicium adducet, sive bonum, sive malum sit, Eccles. 12.v.ult.

Sed & in consolationem vestram adhibete. Christus certit hominem cum vase aquæ testaceo. Ne dubites velim, mi Christiane, quin & tuam miseriariam perspiciat, quando inter satis molestos labores sola aqua contentum te esse oportet. Perfer id in patientia. Veniet olim tempus, ubi præ exultatione cordis jubilabis in æternum, Esa.65.v.13.14.

3. Virtutem Christi omnipotencem. Neq; enim precatiō hospitiū, sed satis pro imperio flagitat: Magister dicit: Tempus meum prope est; apud te facio Pascha, cum discipulis meis. Ita adhuc hodie sicut rivos aquarum, quounque voluerit, corda inclinare potest, Prov.21.vers.1. Ideo animum minus abjiciamus quando fremunt gentes, & populi meditantur inania, Psal. 2.vers.12. Nos eusmodi gaudemus Domino, qui vel verbulo omnes inimicos nostros ad pacem convertere potest, Prov. 16.v.7. Classicum canite populi, & vincimini, Esa.8.v.9.

3. Fidelem executionem. Discipuli equidem multa obstacula prætendere potuissent, dicturi: Quid Domine, id congruet? Anne hominibus ignotis imperare debemus, ut te hospitio excipiant? Tu omnibus invisus es: & Pharisæi edictum promulgaverant, ut si quis norit, ubi degas, id indicet. Quid si hospes id deneget? quid si pericu-

lum vitæ incurret? Verum hæc & similia alia seponentes, Domini sui præcepto inhærent, fideliger jussa ejus expedientes. Ita & nos seposita omni disputatione verbo scripto inhæreamus, licet rationi nostræ absolum videatur. Melior enim est obediencia, quam victima, 1.Sam.15. v.22.23.

### II. Confessus, qui describitur

1. Ratione carthus discubentis. Vespere enim factō discumbebat Jesus, cum duodecim discipulis suis.

Alias de agno Paschali mandatum est, quod Israelitæ illum stantes comedere debuerint, tanquam festinantes, Exod.12,11. Sed hoc de prima comeditione intelligentum, unde postmodū in omnibus locis, ubi Deus Pascha Iudaïtis celebrandum injungit, stationis nulla amplius mentio fit, Lev. 23.v.6. Num.28.v.17. Deut.16.v.2. Ideo nec Christus Ceremoniam hanc observavit, sed cum duodecim accubuit.

Nos hīc notamus

1. Regulam malos ferendi. Servatorem non latebant insidia Judæ, quod cum summis Pontificibus pæctum fecisset, de prodendo Domino: Non vero propterea cum à comeditione agni Paschalis excludit, sed cum reliquis Apostolis accumbere finit: nobis in exemplum, ut & nos malos cum mansuetudine toleremus, 2.Tim. 2. v.24. neque enormes peccatores, si peccatum eorum occultum sit, illique id pernegerit, à sacra cœna excludamus. De occultis enim non iudicat Ecclesia. Deus aliquando illuminabit abscondita tenebrarum, & manifestabit consilia cordium, 1.Cor. 4. v.5.

2. Licentiam cum bonis accumbendi. Viri justi sint tibi convivæ, Sir. 9. vers.23.

2.R4-

2. Ratione sermonis intervenientis, & quidem

1. In poculi valedictorii propinazione. Accepto enim calice, gratias egit, & dixit: Accipite hoc, & dividite inter vos. Dico enim vobis, quod non bibam de generatione vitiis, donec Regnum Dei veniat.

Hoc poculum erat circulare, quo Servator indicat, non peccari, si amici ex cordiali gratulatione, posse invicem salutent. Desiderium justorum profectò bonum est, Prov. II. v. 23.

2. In Cœna sacramentalis consecratione. Postquam enim poculum valedictorium circulariter missum erat: Dominus aliam actionem incepit, & primò accepit panem, & benedixit, ac fregit, deditque discipulis suis & ait: Aceipite & comedite, hoc est corpus meum, quod pro vobis datur. Similiter & calicem, postquam cœnavit, dicens: Hic calix est novum Testamentum, in sanguine meo, qui pro multis effunditur in remissionem peccatorum.

Hæc ita institutio S. Cœnæ est, in quâ nobis Servator mediante pane benedicto, corpus suum in cibum, & mediante calice benedicto, sanguinem suum in potum ordinavit, in plenatiam certiorationem, quod remissionem peccatorum habere, & cum eo in æternum vivere debeamus, Joh. 6. v. 51.

Onunquam satis prædicandum beneficium, quod Servator nobis hæc in re exhibuit! Nam ut Hilarius scribit: *Hæc sumta & hausta efficiunt, ut Christus in nobis sit, & nos in Christo.* Ideoque in omnibus adversitatibus lætabundus cum Paulo dicere potes: *Certus sum, quod neque mors neque vita &c.*, Rom. 8. v. 38,

## De Tertio.

**R**estat ultima & III. pars, nimurum Symbolica Valedictoria recordationis manifestatio. Quæ facta

1. Amicabilis pedum lotione. E cœnâ enim surgit, & ponit vestimenta sua. Et cum accepisset linteum, præcinxit se, deinde misit aquam in pelvum, & cœpit lavare pedes discipulorum &c.

Hic perpendenda

1. Autoris magnificentia. Hic est Christus, Servator noster pientissimus, verus Deus à Patre ab æterno genitus, & verus homo ex Maria in tempore natus, hic pedum hanc lotionem instituit, coque indicat, non se venisse ministrati, sed ministrare, Matth. 20. v. 28.

2. Operis vilipendia. Posuit enim vestimenta sua. Et cum accepisset linteum, præcinxit se. Deinde misit aquam in pelvum & cœpit lavare pedes discipulorum: & extergeret linteum, quo erat præcinctus.

Hæc alias servorum opera fuit, quam Christus hic exantlat, quod significet, se justum esse servum Dei, Ela. 53. v. 11. qui propter nos servi formam induerit, ut nos Reges & Sacerdotes faceret, coram Deo & Patre suo, Apoc. I. v. 6.

3. Petri resistentia. Hic principio lavari minimè vult. Postquam vero Dominus ei minatur, nisi laverit eum, non habiturum eum partem secum: non tantum pedes, sed & pedes & caput lavanda offert.

Nos exemplo ejus cantiores facti, divinae ordinationi minus refragemur, licet non intelligere aut comprehendere valeamus,